




Mario Odor, propietario di Museo Numismático, cu orguyo mustrando un parti di e coleccion existente.

E museo aki ta situá patras di Fort Zoutman.

Historia di Yotin (cortá)

E Museo Numismático di Aruba no solamente ta rico den e cantidad di moneda y biyetenan cu ta surpasá 33.000 pieza, sino tmbe e ta rico den e totalidad di informacion educativo y histórico cu e ta contené y ta di eynan a haya e historia di e Yotin cortá.

Ta di comprendé cu e enorme distancia entre Hulanda y su colonia a haci cu casi no tabatin comunicacion entre nan.

Na año 1792 e directiva di Ned. West Ind. Comp. a haci un pedida na su Mahestad pa duna autorizacion pa traha algun moneda pa e colonia situá na e Continente Americano. Esaki a ser aceptá bao di resolucion di fecha 31-12-1783.

Mayoria di e piezanan aki a wordo mandá pa e costa Africano na Guinea pa motibo di e mercado di esclavo. Algun tempo despues caba e islanan a cuminsá sufri di falta di placa.

España, e gran colonizador di Sur y Centro Americano a laga pa hopi época su rasgo atras pa medio di su cultura, su religion,

su habla y naturalmente no por excluí su propio monedanan.

E unidad di 8 reales, conoci mundialmente como 'pillardollar', aki na Aruba el a wordo yamá 'Patin' pero cu


promé monedanan cu a wordo aceptá aki común y corriente. Tambe ta wordo nombrá como 'peso di ocho' y su balor ta equivalente na 48 'Stuivers' Hulandes, o sea 6 stuiver ta un

Continuacion di pagina 45

Despues ta surgi problema cu e peso di e pieza aki y ta aparecé un peso normal cu ta bal 8 Reales o sea F. 2,00 Hulandes y un peso completo cu ta bal 10 Reales of sea G. 2,50 Hulandes.

També tabata válido e Dublin di oro cu tabatin un balor di 168 Reales cu ta G 40,- Hulandes.

E islanan Hulandes den Caribe pa motibo di su punto



Esaki ta un di e partinan cu por mira den Museo Numismático. Ta ilustrá e situacion monetario na e isla e tempo ey. Y ta ser bisá cu ningun moneda special a wordo emití dor di e Britániconan. Nan a simplemente corta e 8 Real Spaño cu tabata circulá den pida, p'asina haya placa largá.

estratégico cu Sur América a conocé diferente moneda di varios país.

Hunto cu e Dublin di oro tambe tabatin pieza Portugues di oro cu ta e 1/2 Dobra of Peca, cual akinan tabata ser yamá 'Johannis'. E moneda aki tabatin un balor di 7 1/28 Reales o sea 18 3/4 Florin Hulandes.

Tabatin un variacion enorme

di moneda di koper (di poco balor), manera 2 skelling di Dinamarca, Stubers di Prusia, suos marqué di Francia y 2 sous di Cayenne (Stuiver Cayenne) y nan tur hunto tabata ser yamá 'placa' (plakkie).

Mayoria di e monedanan aki tabata ser falsificá y como cu e monedanan di oro y plata tabata ser mandá pa Europa, pronto a

bini un scarsedad den piezanan di menos balor (placa largá).

Durante e república di Batavia 1799-1803, Gobernador Lauffer a ordená pa corta 7.000 pieza di 8 Reales den cuatro pida y igual.

E triángulonnan aki tin grabá un roset di 5 blachi y su balor a ser aceptá na 18 Stuivers o sea

Sigui lesa pagina 47



Continuacion di pagina 46

0.50 Florin Hulandes.

E método di corta e piezanan aki a duna e moneda triangular e nomber di 'guillotine' cual cu tempo a ser mal interpretá como Yotin (Yotin cortá).

Durante e ocupacion Británico, Gobernador John Hodson a laga corta un total di 8.000 moneda di 8 Reales, pero e biaha'ki den cinco pida y segun e publicacion di fecha 30-8-1814, cada uno tabatin un balor di 3 Reales.

E triángulon anterior di 4 pida a bira haya un balor di 3 1/2 Reales o sea 21 Stuivers (publ. 21-9-1814), pues e Gobierno a haci un ganashi di 3 Stuivers riba cada pieza.

Na aña 1826 e piezanan aki di 21 Stuivers a ser halá aden. Inglaterra a cede e islanan di nobo na Hulanda na 1816 y Gobernador Kikkert y miembronan di Polis (e nomber di antes pa e gobernacion di e colonia) a dicidí den un reunion fechá 13-7-1818, pa corta piezanan di 8 Reales atrobe, e biaha'ki den 3 y 5 pida; cu e cifra 3 y 5 den un círculo riba cada un di e piezanan respectivamente. Hopi di e piezanan aki a ser falsificá na St. Thomas y trecí den circulacion.

Segun e ordenanza di 10 di Mei, 1826, e sistema monetario di e Patria Madre, ta wordo

declará oficial na e colonia hunto cu e pieza cortá di 3 Reales, pa un balor di 0.50 Florin Hulandes. Esey lo ta e motibo cu te ainda nos ta usa Yotin.

Sigui lesa pagina 48